

四庫全書

集部

欽定四庫全書

江湖後集卷十

宋 陳起 撰

林希逸

希逸字肅翁號獻機福清人端平二年進士歷
官翰林權直兼崇政殿說書直秘閣知興化軍
有虞齋續集竹溪十一稿劉克莊跋云乾淳間
林父軒始好深湛之思加鍛鍊之功一傳為綱
山林亦之再傳為樂軒陳藻三傳為希逸竹溪

槁乾中含華滋蕭散中藏嚴密窘狹中見紆徐
王士禎居易錄亦言盧齋詩多宗門語如題唐
明皇按樂圖達摩渡蘆圖長歌皆佳

題江貫道山水四言

原注此畫足絹作石
林簡齋有詩跋之

遠山叢叢遠樹濛濛咫尺萬里江行其中短長何岸高
低何峯彼坻彼渚彼瀑彼洪晴嵐乍豁烟靄慈籠或斷
或屬且淡且濃爾萃奚寺爾盤奚宮或垣陰翳或梁嵌
空有吠者厖有樵者翁危檣落碇短棹掀蓬往來異趣

寂動殊容畧翠其庭豈非盧鴻略約而渡豈非龜蒙昔
我經行雲山萬重若淮南北與江西東亦蓑而雨亦帽
而風乃今追維夢境相從及此開卷恍然昔同誰居作
者造化論功淹總其裔熙成是宗聲聞九陸既召而終
謂彼樹白原注賈道畫林木
如筭子其身皆白識其身窮其然豈然訊之
天公此名穹壤疇曰不逢

石鼎聯句圖

畫意不畫形形勝意不足正如九方臯相馬不相肉此

筆誰為之繅藉以錦玉一几共三人彌明喜師服饜酬
夜何其漏箭在銀燭誰如豕腹脹誰作龍頭縮始胡為
頡頏末胡為屈伏彼既鼻撩天避席徒局束去者俄翩
然二子睡正熟虞戶問童奴曉雲淒古木質之昌黎篇
段段皆實錄用意豈不精或者疑近俗我聞文章家同
工而異曲或如駿歷險千里在一蹇或寸步不遺句句
必連屬在詩則樂天在文則永叔畫品恐亦然願言寶
此軸毋使歎巧心受嗤于拙目

午齋即事

晴牕吾伊罷風薄清晝永陳編幾廢興適笑心自領青
精飯何味車笠拂塵境佇立共幽懷虛簷踈竹影

方溪上謠

溪上行吟山裏應山邊閑步溪間影每因人語識山聲
却向溪光見人性溪流自漱溪不喧山鳥相呼山愈靜
野雞伏卵似養丹睡鴨依蘆如入定人生何必學臞仙
我行自樂疑散聖無主獨賦溪山謠山能遠和溪能聽

雲木相叅歌

溪翁結茅傍溪南，近山繞屋青如藍。天垂四野雲到地，
千頃萬頃羅松杉。著亭小小寄面勢，往來萬象牕中含。
有時倚杖日未吐，但見雲木朝相叅。蒼蒼古木大百圍，
白雲無心出復歸。雲無盡藏木不老，雲木千載長依依。
我醉呼雲雲不飛，風和萬竅如埵荒。此時此景誰能盡，
既以名亭聊賦之。

安豐作

塞北悲笳起淮南古木踈風高疑唳鶴水落見叉魚俗
僅傳丹鼎人誰問枕書因吟招隱賦久客自嗟噓

宿西興渡

古寺鳴鐘罷高林宿鳥忙竹明風弄影荷淨露生香月
到中天小星過野水長江村人寂寂敗葉響銀床

讀程氏遺書

浮生長短夢可見幾英雄不有遺編在應隨落葉空中
宵門外雪一月坐間風似此難傳處能言孰與同

與陳同舍飲三元樓

失身杯酒莫追尤，爛醉生涯儘自由。
可倚何須鸚鵡賦，相逢且解驪駒裘。
今無客入揚雄卷，終有人題李白樓。
却笑三閭太憔悴，獨醒猶作畔牢愁。

心王

易言不動工夫，密書說惟微體段。
彰仙漫有方求氣母，禪非無見指心王。
靈根本要行藏，在槁木寧於應感妨。
一語何思千古訓，莫言為陸背程張。

日用詩

賴得人間念已灰
省身克己問參回
事隨緣法安排去
病向根源點檢來
布鞵青鞋資懶散
筆牀茶竈恣徘徊
偷忙不住提撕着
猛可投機亦俊哉

題玄局

君從何處叩玄局
耳學紛紛莫浪聽
剗盡念頭方近道
掃空注脚始明經
見聞日富祇塵積
涉歷年深似酒醒
不必但疑禪背理
請君細讀信心銘

虧欠

休放閒愁到酒邊眼前虧欠是良緣六王纔畢秦關失
二寇俱平晉社遷月滿一輪須漸破屋留三瓦莫教全
誰名缺減人間世雖道番僧也自賢

郊行即事

野店相依門向背牧童對語岸東西草枯白見樵成徑
木落紅隨葉入溪色有淺深峰遠近影無長短樹高低
眼前好句閒收拾歸到書窓却自題

老樹菌生鋪兔目斷蹊泥濕印牛溪山僧渡水雙携履
野客歸村獨杖藜羣鳥爭枝聲上下孤松夾澗影東西
行吟注意搜詩料欲近前溪路忽迷

世味

世味更嘗百念輕眼前何辱又何榮寧教鬼解擲榆汝
不許人能駕馭卿躍馬卧龍皆夢事焚香弄鏡了餘生
春殘雨水差沾足却願從今米價平

自警

靜退雖知趣味殊終然習氣未全除有無對境宜俱遣
夢覺何時解一如得力要須生處熟用工最怕密中踈
莫教草草匆匆去却恐從前枉讀書

題詠近藁

挈舟早已向三韓莫放天風解引還九轉黃芽先白雪
千年翠甌後紅斑碁無盡算仙猶在性要全空佛未閒
得路不須愁險絕看他脚力盡時山

題艾軒詩

為道難言不著書但知日用是根株當筵自昔傾龍象
嗣法何人識馬駒六學即今皆勦說一齋孤立可長吁
犀斜南谷窮愁骨僂境能談舊事無

列子口義成

莊列源流本一宗微言妙趣不妨同但知絕迹無行地

原注莊子齊物論

豈羨輕身可御風二義乖違劉絕識

原注劉向叙中

有二義乖背不似一家書之語

八篇叅校湛何功

原注今書八篇張湛所叅校

就中

細細為分別具眼應須許此翁

讀關尹子

青牛車後抱關翁師已西游道却東著論九篇今獨在
命名一字古無同原注九篇皆一字名不知身老傳誰氏可愛文
竒似考工博大真人莊所敬寥寥千載想宗風

題新藁

少日無端苦學詩倚樓面壁總成癡斷無子美驚人語
差似堯夫遣興時最上宗風埋沒久新來家數見聞知
吾生恐被師傳誤自比靈雲更不疑

至學

至學玄談理最微
負門粗細有誰知
蛇生弓影心顛倒
馬齧其聲夢轉移
須信風幡元不動
能如水鏡却無疵

咸經四字分明訓
截斷憧憧未感時

原注先師樂軒云
貞吉悔亡四字今

古坐右銘也小象以未感害釋之有
感有應而後害生未感則無可悔也

物理六言

以鳥養鳥盡性惟蟲能
蟲知天萬物與我為一
反身樂

莫大焉

羊螳不如魚計鴻鵠豈比鴈謀為問折腰五斗何如散
髮扁舟

杜鵑前身名字蝴蝶夢境為周至理但觀物化吾心自
有天遊

醯雞甕中世界蜘蛛網上天機他心我心壹是大知小
知俱非

蚯蚓兩頭是性桃花一見不疑了得葛藤三昧却參菜
菹諸詩

非魚知魚誰樂夢鹿得鹿誰誣若與子也皆物

原注莊子語

執而我之則愚

原注關尹子

田圃雜興

疇昔多慚世網牽收身幸早賦歸田
四科人物皆高第只覺樊遲也自賢

獨坐搔頭曉未梳喜看童僕理園蔬
漢儒不悟真消息却下簾帷只讀書

郊迎猶待一番風主相那能不愧容
縱道東還心事白

更須定洛乞明農

歲計溪南數畝中
但將風雨祝天公
人生何必堂厨飯
米糝藜羹一飽同

雨過高低水地平
扶犁野老續歌聲
憂時莫問蓑衣識

但看烏犍破曉耕

原注識語見
文公集雜著

輪輿蓋軫及車弓
模寫文竒是考工
農具因何却踈略

周公於此愧龜蒙

原注笠澤叢書
農具說最工

寄書後作

幾度題書客未還歸鴻節節度鄉關遙知一紙平安字
慈母燈前閣淚看

登舟喜頓清秋暑

觸暑登途衆共猜好風誰料逐帆開天公應是憐行客
正忤炎官熱屬來

張煒

煒字子昭杭人有芝田小詩

雜詩

笙簧世所貴正調多溺沉有人懷古心臨風理瑤琴一
彈秋月高忽覺開塵襟或疑澗泉聲忽作鸞鳳吟得意
自怡悅子期難再尋銅壺一枝梅儘可為知音

苦寒二首

北風吹枯桑汗注如語汝牕虛夜少寐展轉莫寧處衾
裯冷如鐵凜凜不可禦家居猶畏寒何況遠行旅
白雪農家瑞亦使天下寒陋巷無飢民此瑞古所難上
方播春仁發粟賙饑食一飽生歡心萬戶各獲安

海棠

楊妃睡未足西子粧太華餘妖媚東君化為枝上花嬌
羞沁紅玉裊娜揉春霞少陵恐添愁不欲詩句誇

題夏訓武珪畫牛

枯木立數莖斷岸走千尺旁有牧牛兒放牛倚拳石牛
閑芳草間兒倦眠跼踏畫手筆入神淡墨奪真跡憑誰
喚兒醒落日歸路僻覺來橫短笛吹斷遠山碧

游葛嶺瑪瑙寺瞻孤山尊者像

柳風吹蘭衿蘚暈識芒履尋幽古招提偶識尊者墓斷
碣眠蒼雲慈容慘香霧孤山豈無詩未若壁間句

虛谷

虛室既生白空谷亦傳聲山翁抱高標借為虛谷名中
有如帶水流出心源清我欲從之遊臨風濯塵纓

柯山製墨胡處士求隸字

有客落魄遊京都形服差類山澤臞袖携一紙故友書
來求古隸銘墨摸我方臨池且自娛觸撥雅興生江湖

坐扣墨法果不誣出示數餅泥金濡質模溫潤凝龍酥
麝氣酷烈清透膚浣濯研沼塵滓無磨動溥漆生金壺
吳牋半幅翻雪腴碧雲掩丹生兔鬚豪家有錢貯金珠
誰肯淡好如吾徒自憐我為貧所拘傾囊盡易令無餘
臨行束擔付獠奴就索詩句榮歸途天下具眼不可污
芳名豈借人言沽

試宣毫

中山瑞獸久不出天下筆工徒負名近聞宛陵獲數輩

束縛管製差專精携入京師求鑒賞一見不以他毫輕
呼童滌硯淬鑿玉催我紙上雲烟生

買劍

袖携一劍三尺鈎試與豪士論醜妍鋒鋌閃爍走冰雪
靶鞘激烈拏風煙斷蛟截犀挺靈怪照人切玉光牽聯
昔時歐冶不再出純鈎磐郢名空傳越王苟不遇薛燭
萬戶駿馬誰肯捐物雖有價璫無價璫逢識者逾精鮮
主人得之亦自壯十襲珍秘輕萬錢何當佩服却戎羌

會令沙漠無戈鋌

辛丑長至

物意通人事陽生一脉天梅雖攬臘破柳已得春先襪
頌趨時獻臺雲取巧傳所須惟飽耳延頸看豐年

寄任居士

原注
希言

師默修禪觀龍升虎自閒眼開俱是道心定亦無山癭
木牀三尺蓬茅屋半間鍊成真積力策景到瑤關

為徐叔剛賦達齋

男兒勁正氣期欲展經綸場屋求程藝山林多隱人學
優宜必仕道在不妨貧快舉摩霄翮聯翮立要津

題蓮峯集後

奪得蓮峯秀英名馥邇遐文章騰氣馥句律煉聱牙一
梗江湖客三朝忠義家欲評清絕處雪月照梅花

紙閣

紙閣新裝褫青氈喜尚存翠圓垂彩絡紅朶粲陶盆藏
密寒無著融真體自溫夜深誰晤語花綴短檠昏

游蔣山

家世帝王州鍾山恥未遊
卷書趨幕府散步入林丘
泉泝懸崖醜雲閑古樹愁
草堂今在否更欲展詩眸

簡耕月

一犁將暝色月下自耕耘
為適能吟趣非干力穡勤
草芟心地潤苗握世情分
莘野如膺詔新詩就獻君

辛丑長至後九日其夕大風

朝家禱瓊瑞天忽賜雄風
靜聽耳轟鼓凍眠身屈弓
把

茅吹卷後矮柱兀搖中撈曉怪威息太陽升海東

過西興渡

久不到西陵重來扣便艫眼吞滄海碧帆卷越山青路
遠人煙盛官清風浪停片時登岸口小立望雲亭

題淨衆壺隱

古院無僧住含情更惘然綠苔欺破閣白鳥沒飛煙壺
隱遲遲日筒分細細泉欄干聊小凭取次綴詩篇

騎馬

陌上騎驄馬朱纓耀日丹袖欺鞭竹瘦靴入鞞金寒毳
帽兜貂鼠茸裘織雁團戎裝吾亦可初不礙儒冠

題友人深居

閒中有真樂深隱向林巒剝竹招山色栽梅結歲寒事
因貧後少心到老來安拾芥取青紫野人猶畏難

觀集芳園

千步入修廊猶聞碧霧香風翻宮額紫菊染御袍黃亭
宇丹青老笙歌歲月長上皇臨幸少書圃自翱翔

謁和靖祠

先生遺隱跡年古路荒涼鶴喚詩
魂去梅留姓字香孤山應似舊
薦菊謾流芳翻作西湖夢騷人為
斷腸

題心遠別墅

聞說藏修所憑山更接溪百花攬
序發萬竹剪雲齊地勝塵無染
屢居俗正迷二王詩絕唱何用我
留題

舟離和州別史君

春客留連久分携各悵情艣搖江
水碧城凸曉烟明衣

薄寒先覺心平浪不驚。鍾山青在睫。歸興逐雲生。

謙齋席間贈咨磯

因合謙齋飲。新編得細哦。髯掀天地闊。足歷水雲多。才敏逢青眼。家成隱翠蘿。近聞詩債盛。老退欲停戈。

訪劉山人隱居

步入山回處。茅欄隱士家。遠峰奔渴驥。曲徑裊修蛇。純翠千莖竹。交紅一架花。客來費清供。汲水自煎茶。

春晚郊行有懷

行春車馬漸無多閒步郊原玩物華已角未腴陰徑筍
似香非韻別離花子規饒舌空催客蛺蝶貪遊不戀家
常記湖邊同詠賞歸鞍扶醉月籠紗

冬至

冷笑書雲上魯臺乖祥俱向眼中猜陰逢剝處自陽復
否到極時須泰來霜剪草茸寒欲斷日烘梅粉暖全開
吾儂喚作尋常事坐看兒童拜節回

學吟

騷豪矢口便成詩，全異推敲鍊句遲。
一字下平搖不動，數聯生就穩難移。
池塘春草英靈處，水月梅花穎悟時。
我亦學吟功未進，每將此理扣心師。

題六和塔秀江亭

秀江亭上駐吟懷，苔蘚軒牕四面開。
潮怒挾風吹海立，檣聲搖月下天來。
浮漚世事等出沒，泛梗羈人幾去回。
待寫篇詩紀游跡，路迢不奈馬頻催。

雪窻自西陵以新詩竝水仙見惠

洛浦風流幾隔年江南重見色依然根從莖卉同分品
香與梅花可並肩葩白中黃饒蘊藉臘梅春暖肆芳妍
殷勤併挾新詩送領略丰姿夜不眠

餞友人赴靖州通道尉

竹風荷氣約朱明路入渠陽暑尚清馬耳蕭蕭懸墮月
鷄聲喔喔勉修程何拘梅政誇年少即泛蓮漪贊老成
莫把西湖浪吟筆楚山空濶更關情

題友人自方家峪遷居北山棲霞嶺

素喜華居逼禁闈北山何事又移文來依岳麓千章翠
間却南屏一片雲招月詠梅君自樂煮泉淪茗客同分
未隨燕雀伸忱賀先剪溪藤述寸芹

游洞霄棲真洞

筍輿搖兀到山前就宿棲真古洞天老木倚風清鶴唳
濕雲拖雨護龍眠塵凡夙出幾千仞足跡經由已半仙
到此豈容閑詠筆重來知復是何年

題可山梅花巖

高人深欲買山居常辦栽梅養鶴圖喜有名園隣水月
不妨清夢憶江湖羲之坦腹應相愛和靖掀髯足自娛
旦夕杖藜須踐約錦囊先束付奚奴

題童宰盤隱

才了花陰入要塗暫時歸去友樵漁遠山數筆意不盡
流水一泓清有餘我輩愛吟懷退步誰人得計肯閑居
古梅樹下三間屋深掩柴門靜讀書

歸耕

紆青拖紫信天緣才說歸畊自樂然二頃良田供活計
一鉏風雨飽豐年妻條桑葉催蠶起兒脫莎衣傍犢眠
不是此心甘隱退為貪農隙理殘編

援藤

援藤穿蘚扣雲扉清足高標顯翠楣風月任隨時事改
江山不被世情移雖無白酒留君醉却有青編可自怡
朱紫紛紛徒說貴隱居真樂幾曾知

桂

癡兒總向月中求，不信人間賸有秋。
萬點盡垂金粟顆，一枝宜上玉搔頭。
清香已壓龍涎倒，墮夢宜將蟻醕浮。
吟得詩成對花舉，不須招客費賒酬。

簡任新恩

自別梧姿二十年，情親何暇鴈傳箋。
深疑楚澤蟠曾次，不放吳霜點鬢邊。
我憶花間聽樂府，君嗟柳下度吟鞭。
于今又遂啣杯樂，湖海相逢豈偶然。

寄武岡宰宋雪巖

柳下分携鬚影蒼好風吹夢過都梁諸蠻帖化花陰靜
一騎飛塵薦墨香書就幾曾逢驛使公餘應不冷奚囊
雲情鶴態元如舊應倚株梅憶錦鄉

謝朱高郵惠湛盧詩集

門掩飛花欲曙時起來忽接湛盧詩清新盡奪冰霜氣
婉麗渾無脂膩辭題品江山今已了登庸廊廟不宜遲
高沙父老休專惠宣室今興夜半思

寒月郊居

心遠郊居閒亦勝
磚爐紙閣類僧房
倦抽樂府翻吳韻
獨對騷經味楚羌
句到奪將袍錦赤
功成消得帶金黃
相逢每惜芝蘭種
猶在瀟瀟水竹傍

再遊玉泉觀金魚

曾見金鱗已十年
重來鬢鬢尚淒然
忍從鰕蟹常為侶
好作蛟龍飛上天
古木聳雲尊梵宇
靈源疏滴潤農阡
商霖已得真賢佐
早暎何勞顙玉泉

謝友人惠筆

翰墨場中浪得名近來研席愧塵侵紫懷心素鋒鋌健
紅束腰身管套深珍重故交分數種勝于堊老獲千金
便當拂繭晴窓下賸寫新詩倩鶴吟

湖上次韻

湖邊舊好即潘楊惜不同舟艤岸傍竹葉肯陪三揖醉
荷花分受一襟涼雪壺色淨冰心爽金縷歌停玉骨香
客散樓臺收晚照獨看西子學吳妝

宿洞霄虛白房

列岫宗竒觀藤蘿結翠門隔巖龍喚雨雲走半牕昏

懷玉山人過越江

玉石紛紛嘆混淆君今懷璞在吟袍快帆聞指西陵去
識眼相逢價自高

鞦韆

吾今兩鬢已成絲每每逢春獨自悲最恨鞦韆無力上
風流不比少年時

綵索高懸錦柱頭女郎花下競風流垂楊影裏曾窺見

飛起嬌紅一點愁

賦竹宮羽人芸谷

昔年摘葉更尋枝踏遍山巔與水涯今日華陽親薦得
玉苗僊草映靈芝

觀王氏山亭舊基

山亭礙月不容留拆去危基立故丘落日倚筇舒望眼
片帆鈎破一江秋

書向耐軒

鄉林一譜傳清白以耐名軒更出奇修竹護牕梅夾路
歲寒消息獨君知

翠微亭

萬木輪囷卧歲寒一聲啼鳥應空山興來小立危欄畔
身在碧雲霄漢間

知果寺參寥泉

原注坡仙嘗滄
茗論詩于此

破屋伶俜斷碣橫剥苔彷彿見題名自從人去西湖後
一掬寒泉便不清

鷗鷺世界

原注徐氏堂扁

閒飛蘆葦疑成序獨立菰蒲似不羣
愁思無邊煙水闊畫家詩境合平分

謝瑜首座寄黃龍茶

寄我黃龍茗一圭旋烹竹雪試新奇
地爐火軟湯初沸先約梅花小賦詩

窓底

日炙虛窓暖欲春窓前椒蕾破梅英
朦朧困眼看書倦

鶯聽蜂兒撲紙聲

巖桂

天街清曉似香林
壓擔秋花塞市心
總被時人低價得
葦簾茅屋盡黃金

題問坐主梅隱

萬點春風吐白雲
孤芳繞屋占雲根
幽閑中得幽閑處
暗水流香紫閉門

竹所

數榦當欄眼便青翠陰千畝况為隣休貪冷地閑風月
好作清朝勁節人

書雲萍錄

聚若浮萍散若雲江湖姓氏總相聞何煩爵里重鋪叙
只倩梅花舉似君

傑閣崢嶸據柳灣段侯江令夢魂間我來不問興亡事
傲立薰風看蔣山

試翁壽鄉貢餘墨

萬杵煉麋搖夜月一圭分劑割晴雲雪腴半展陶泓淨
改罷新詩寫贈君

贈製墨羽人葛太玉

回公膠法不輕傳太玉知機合伴仙安得翠雲蜚象管
書邀風月上蠻牋

寄簡崇禧司徒高士

原注佑聖羽人往傳法

袖惹天香隱故廬一山猿鶴伴清虛有人來叩神仙訣
就剪晴雲問起居

花飛

花飛梁苑春消後
月落秦樓夜斷時
一點不如歸去恨
阿誰說與杜鵑知

簡趙真休

曾向詩壇奪錦袍
至今湖海誦風騷
何如放下渾無事
句不驚人意更高

緘回友人轉示詩卷

拾得驪珠不秘藏
來尋識眼共平章
臨風一盼留書架

夜夜豪光射竹房

贈梁彌仙

原注羅浮山人

笑側華陽一幅巾
碧眸蒼鬢貌如春
羅浮洞裏通勾曲
疑怪相逢似故人

雪窻惠海棠

驅奴分送海棠花
袅娜枝頭剪碎霞
揮向銅壺當愛惜
且留春色在吾家

題適安隱居

蘿蔓紐巖竹翳間天然幻出隱人居客來欲問山中趣
掛壁絲桐插架書

試童巖野墨

杵麋烘麝樣新翻蟾玉輕磨漆未乾合走春風供化筆
肯隨清譽到詩壇

書和靖故居

童鶴飢癯古屋低孤山猶憶數聯詩先生更有清高處
未必梅花盡得知

小池

恰恰方池款竹齋
風搖窓扇掩還開
無端半夜踈荷雨
更帶秋聲入夢來

題村居

村居何識見時節
春去春來自一年
誰與兒童話寒食
也將楊柳揷門前

數舍茅茨簇水涯
傍簷一樹早梅花
年豐便覺村居好
竹裏新添賣酒家

欽定四庫全書

集部

江湖後集卷十二

詳校官庶吉士

臣朱理

助教

臣

常循履勘

騰錄監生

臣孫汝明

騰錄監生

臣雷琳

欽定四庫全書

江湖後集卷十一

宋 陳起 撰

万俟紹之

紹之字子紹郢人有郢莊吟藁方洪序曰相家子也按宋宰輔表万俟卨外無爲宰執者豈卨之族歟又大觀中万俟卨知澤州以循吏著語云前有王琪後有万俟卨固有以廉節顯者也

方洪郢莊吟藁序曰洪幼侍先君子側一時雋

秀多相與游郢人万俟子紹相家子也力學好
修先君子敬愛之寓居琴川嘗登抑齋先生節
惠王公門見聞卓犖故其文閎以肆負西北鯁
亮氣不隨衆靡故其詩清以嚴兩上春官人期
之與自期不薄也居亡何疾而卒臨革以平生
所爲詩屬其友順適葉君俾鋟之梓葉君耽于
詩篤于誼不負所託一日攜詩示洪曰子紹子
友也亦君友也其詩不可以不傳予既成其志

君盍序之嗚呼一死一生廼見交情吾是以知
子紹之不獨能爲文能爲詩且能取友也何敢
以固陋辭子紹名紹之郢莊其自號云

餞友宰丹陽

昔曾覘吏事不是小規模萬象胷中布全牛眼底無迅
雷推敏速片月對清孤鐵甕城邊邑今番凋瘵蘇

傑閣

傑閣倚空闊身高眇萬山棟雲飛縹緲簾鐵闌虛閣地

步氛埃外天威咫尺間好風吹笑語餘響落人寰

方水滴子

質由良冶就心向主人傾外做斤金制中藏勺水清
毫芳露染龍尾濕雲生終命雙眸炯曾窺妙女成

陸墓寺

距城纔五里野景自蕭然塘水清環寺窰烟黑翳天市
多沽酒旅橋列賣魚船欲酌宣公塚淵陵幾變遷

旅中

僦樓如斗大不與嬾相便
盃酒常妨飯餅花亦費錢
狂蹤依客燕短夢怯啼鶻
欲去老丘壑無謀可買田

次郊行韻

蝶怕花殘舞更忙
隨風柳絮閑輕狂
尋芳客去馬蹄倦
試酒人歸衣汗香
過雨千林舒翠葉
護田一水露針秧
留春無計空惆悵
信手敲碁語夜長

送觀書記住山

本是儒流學釋流
枝藤所寓即清幽
西山不用一錢買

北磻空爲百計留禪向靜中能妙覺詩于閑處得冥搜
秋風芳蒂甜如蜜許我溪頭繫小舟

游天平山白雲泉

踏開松徑幾層陰一勺寒泉洗客心高處天風吹面冷
險邊石磴警人深祠尊范像香煙潤碑刻唐詩蘚暈侵
鳥道更通幽絕處恨無足力可登臨

游建康碧瑤洞

洞口篔簹幾百竿洞深襟袂易生寒鹿眠桃塢春常在

鶴唳松梢夜未闌
瓦鼎香騰秋霧薄
石盤碁撒曉星殘
道人許換塵凡骨
同向壇前說煉丹

謁曾祖提刑墓

簪纓輝映紹興間
身後清貧陋巷顏
猶有雲仍在西浙
遠思霜露拜南山
祖風三世未應息
天道百年今好還
欲去欲留松下路
藤花染淚路攔斑

席上次韻

東風幾度客京華
今日飄零天一涯
無柰剛腸欺竹葉

幸因清坐對梅花更長不覺銷銀燭寒峭從教透碧紗
語到前朝行樂處綠楊深院是誰家

呈印主學

君世通城武石城不堪兩處揔烽塵向時未快披雲願
今日同爲避地人襟宇光風無盡藏杯盤夜雨有餘春
喚回十載槐黃夢欲借靈槎去問津

婢態

纔入園中便折花厨頭坐話是生涯不時搯數週年限

每事誇稱舊主家，遷怒故將甌碗擲。
做曠剛借粉脂搽，隔屏竊聽賓朋語。
汲汲訛傳又妄加。

次新竹韻

籜粉飄零幹拂簷，午陰比似舊時添。
棲留薄霧生秋意，勾引清風滌夏炎。
弱質自同詩骨瘦，新竿也學舞腰纖。
丁寧養就化龍杖，休劈輕絲織繡簾。

訪新城宰

野花香細綠陰成，風著征衫暑尚輕。
流水有聲如學語。

亂山無數不知名
柘林葉盡蠶初熟
麥隴人行雉不驚
少駐藍輿聊問俗
兒童亦悅長官清

餞常熟宰

籠鶴歸來到北關
玉墀春裏趣朝班
九重定問琴川事
爲奏通川一渡間

多幸三年依德宇
喜無一事到公庭
庭前柳是公遺愛
去後相看眼更青

金陵郊行

快提金勒走郊原
拂面東風醒醉魂
好景流連天易晚
來朝更過杏花村

冬閨怨

塑出獅毬對畫闌
笑呼女伴傍前看
宮鞋濕透猶堪着
未抵空閨繡被寒

寄永興宰兄

相閱崢嶸南渡初
百年遺緒要人扶
從知物理終無否
棠笏于今屬魏謩

憶昔京華聚首時
大兄常念阿連癡
別來相望天涯遠
長誦對床風雨詩

題扇面

起晚慵粧立小樓
杜鵑聲裏萬紅休
儂愁未逐春醒解
飛盡楊花不舉頭

蝶戀花

春風

啼鳩一聲雲榭晚
好夢驚回蓬島疑
行遍無緒東風簾

自捲香苞雪壓茶蘼院 似有還無煙色展絮煖魚肥
時復吹池面扇影着花蜂蝶見藥闌春靜紅塵遠

風入松

一春心事與誰同緣聚眉峯小樓徹夜聽鳴雨想西園
錦繡成空欄漾金魚池水鈎閑紫燕簾風 年時忻折
海棠紅來比芳容如今玉減香銷似怕輕寒懶出房櫳
塵滿謝娘吟卷從教飛絮濛濛

賀新郎

秣陵懷古

決昔入飛鳥正江南梅雨初晴亂山浮曉鳳去臺空簫
聲斷惟南有疎林鴉噪但空鎖吳時花草指點中原青
山外柰征塵迷望愁雲繞佳麗地謾凝眺清風助我
舒長嘯問其中虛簾曲檻閱人多少風景不殊江山在
况是英雄未老且拚與尊前一笑欲說前朝興亡事喚
謫僊人共傳清醪歸路晚月明照

儲詠

泳字文卿雲間人著有華谷祛疑說

題胡琴窻方徑

詩窮推不去終有惡圓心樓倚風煙外琴橫星斗沉行
看花四面坐對竹千尋却笑陶彭澤歸來荒草深

清悶軒

萬竹中央住清心自愛持不除傷砌笋慵洗宿禽枝影
落翻經處聲敲入定時重泥新雪壁留待客題詩

送春

送春歸去後身却在天涯有夢忘爲客見書如到家樓
空初入燕柳暗欲藏鴉故苑新桃李閑開一度花

聞采石分司芸隱計

忽聞千里計涕淚已交橫遽奪英雄去不教功業成人
疑藏六甲天使伴長庚惆悵青山夢分明坐兩楹

小園

墾葦栽花柳園林小小成旋分黃菊本新扁草堂名池
水通湖活江風過竹清不期車馬到足自稱幽情

亭下

亭下冷泉清松深地絕塵細看門外樹幾換寺中人別
嶂孤猿曉幽花百鳥春坐來危石上疑是比丘身

思歸

客樓高處望獨立對斜暉負郭有田在故山何日歸秋
深楊柳薄水濶鷺鷥飛風景正蕭索何堪聞搗衣

送人遊邊

邊風吹鴈至君却向邊遊正立功名日去防關塞秋看

鷓鴣因撚箭調馬試呈毬奏凱歸時節應須萬戶侯

送兄潮舉

原注獲嫂喪
歸於溫陵

老來偏惜別此別更關情水陸三千里舟車一月程
鴈聲鄉思遠鷺影旅魂驚楊柳彫零盡無枝可贈行

寄兄玉老

原注時隨兄秀
老往守雷陽

雷陽路迢遞回首亦關心重別因輕諾遠行多近嗔
客懷秋色早歸夢嶺雲深莫以書無益人來惜萬金

澱山寺

無路接塵寰中流擁翠鬟望中疑有寺游處若無山過
雨行雲濕衝風釣艇還龜邊舊鷗驚心事頗相關

悼古鏡果佛慧法師

霜毛垂半頂說法國王前定裏修千劫佛中添一員謚
尊終後賜真諦在時傳講下諸徒弟焚香石塔邊

送陳雲厓

出門即遠道君去有誰令詩價侯門賤時情客路輕晚
雲歸獨樹寒雨暗荒城此地還相別誰能不動情

送盧萍齋

當春雁北飛之子獨南歸
寒暑本無定去來應有機
柳煙迷客棹花露濕征衣
明月人千里相思消息稀

紅藥

紅藥階前半吐葩
露枝已入貴人家
不如庭下無名草
一度春風一度花

涵虛閣

菊秋梅臘百花春
過眼年華醉夢身
今日不因登此閣

不知人世是紅塵

春日郊行

東風吹著便成花粧點園林賣酒家田野可栽閑草木
十分春色在桑麻

東藏一

靈竺山前滿徑苔遊春車馬可曾來共君便欲携尊去
一樹海棠花正開

胡定齋惠墨求詩

萬杵玄霜玉兔魂
刀圭煉就許平分
流珠輕滴銀蟾露
化作催詩一片雲

春晝

亭院深深春晝長
度窻蜂影去來忙
自從野菜花開後
一月熏爐不炷香

送人

昨日含愁始送春
今朝又復送行人
江頭楊柳不須折
那與愁眉替得顰

覺來

西風吹夢過錢塘
獨上孤山叩冷香
紙帳四垂燈影薄
覺來疑是月昏黃

朱復之

復之字幾仲號湛廬建安人端平中使北展謁
八陵劉克莊詩話載摘句初夏云忽聽夏禽三
五弄新紅突過石榴枝秋日云紅蕖老去羞明
鏡推讓朱榮上蓼花蓋亦纖麗之作也

別湯伯紀

停雲思何長，伐木夢苦短。
飄搖乘風來，倏霍搏沙散。
匪今我獨黯，自昔客屢嘆。
之子曷云戾，微陽逼候炭。
囚山對線景，汲井共清盥。
玉露泚金莖，水泉流藻翰。
方竹桂芳襲，未覺枳栖遠。
仰天鏡其團，一弛弓向半。
書堂渴吾伊，佇立了瑟僴。
子如飛鴻漸，我如禁門鍵。
天寒柳無枝，指直不得挽。
歸來翫題墨，寂寂眯雙眼。

與靜使君約遊姑山記事古風二十韻

苦熱日已遠，杪秋遂淒涼。邦侯及清暇，小隊豫郊崗。一
麾先嶰巖，半刺驂翱翔。翔卿月動左，轄客星移奉。常誰歟
南冠者，共挹北斗漿。翠幄穿晨曦，鎖金步流光。窮惚某
氏建，架構邈斯堂。闕紅傾泛盎，楚綠餽圓方。平原磊落人
仙碑勒荒唐，方平叱石起來問。東海桑蔡子，狗竇過蛇
蟬蛻冥茫。麻姑十八九，兩髻已成霜。惟餘老杉星，省識
鄧紫陽。往事莽如迹，且醉糟書房。翼亭躋齊雲，游目望
八荒。挽河落飛瀑，洒雪芙蓉裳。夕矣憺將歸，一一玉帝

旁蹇余雅幽尋嗜此崔嵬藏請從浮丘生學塗翳鳳凰
他年儻相思矯首空斷腸

夜飲羅懷叟三盃屬余剛制共讀孟郊詩

建子初寒月篝燈對語時獨醒蘓客酒細咏孟生詩蠹
老無新卷烏驚有夜枝白雲路不遠明日肯重來

別李商卿

羈思孤耽僻蛩音偶出虛綠陰分坐久清話見情初春
過詩魂怯年銷劒術疎相看漸成故臨別欲何如

滕王閣

傑甚滕王閣登臨思渺然宿雲開北牖秋水盡南天帝
子今何處玉童記獨傳客懷無住著浩蕩白鷗前

九日偕翁與可江正甫鄭景雲遊鳳山

裹將破帽鳳山遊鳳去臺空餘古丘白髮尚能今日容
黃花祇作故園秋天浮渭北荒荒香江入盱南隱隱流
我始欲愁君且莫人生何處是吾州

太平寺塵外閑題

高樹青圓不見天，小風微動竹梢偏。
庭闕餘聲獨有蟬，老去此心無所住。
向來我見不須先，狂吟但過寒山子。
薦得騰騰一味禪。

謝張生見湛盧歌

劍術空疎今罷休，家山何處越中甌。
欲談往事渾亡是。

喜得新詩替莫愁。

原注：晦菴贈詩有江邊艇子無莫愁之句，故云。

葛仙井

葛翁鑿井冽寒泉，浸熟丹砂去作仙。
底事並煩仙子按。

却隨海水變桑田

羅懷叟思歸一詩留之

客子歸期莫有期
地爐松火獨吟時
西山暮雨吹成雪
錯擬楊花理釣絲

姑山

他文太白不多奇
一賦姑山世絕希
生後此公方到此
龜趺不見仆前碑

李時可

時字當可里居未詳劉克莊千家詩載其天寒
鴉欲棲一首

野寺

野寺不逢僧修廊且緩行竹藏雙鶴睡風助一蟬鳴坐
石侵衣冷臨風漱玉清詠歸無限意新月帶星橫

別余司法

欲別愁如結來時眉便開相逢兩無事且盡十分杯明
月今宵共春風幾日回梅花發牆角此際望君來

雪行

天寒鴉欲棲客路尚遲遲
泥滑蹇驢遊風斜破帽歌雲
藏山斷絕梅苦雪禁持
客裏愁無著愁邊却有詩

題方漕水閣

三間水閣傍溪湄
曾倚欄干此賦詩
山色溪光還似舊
惜無詩思似當時

舟中夜聞讀書

臨谿一舍竹疎疎
舟過時聞夜讀書
姓字是誰何必問

定應不是俗人居

六朝舊迹

六朝更代幾興亡
滿地黃花只舊香
水鳥不知人事改
雙飛猶自戀寒塘

杜鵑花

杜鵑躑躅正開時
自是山家一段奇
莫據眼前看易厭
帝城只賣擔頭枝

盛烈

烈永嘉人有峴窻浪語

送黃吟隱遊吳門

寒江買櫂催遄征何如緩泛六橋尋鷗盟侯門懷刺謁
掌傭何如散策孤山探梅信吟隱豫章之耳孫調高琢
句期顓門西江不住來西湖喚醒晚唐諸老魂有時吐
出驚人語定須貴殺維京楮膾炙人口徒屬饜還來隻
字不堪煮行吟荏苒歲欲暮束裝又問吳中路節翁舊
有珠履緣何況薦書袖無數此行一句直萬錢十句唾

手腰可纏歸來卸却揚州鶴推敲調度權架閣

湖天晚霞

鮫人織出綃五色馮夷不敢悶深澤闖得燭龍歸嶢岷
橫舒幾占半天碧光絢列岑浮紫翠琉璃倒蘸成琥珀
何當乘風掣下來并州快剪隨意劃製就詩囊百萬箇
分與江湖放吟客

白髮

白髮非有種如何忽自生盡從方寸地蔣此兩三莖場

屋債猶欠山林計未成頭顱知漸醜羞向鏡中呈

午憩即事

午困俄驚囀粟留東風獨立思悠悠蜂搜花醴勤王事
燕拓芹巢爲子謀白髮愁邊添漸密青春忙裏去如流
無言猛拍欄干曲恰喜長鬚薦茗甌

同黃吟隱湖上散步

煖飜鴨頂一川晴喜共長堤緩轡行落盡繁紅春結局
傳來太白酒尋盟人于冷淡交偏好句向蕭閑吟倍清

鶉鴉一聲林外喚短篷歸帶夕陽明

觀下湖漁者

漁舸逗曉來相續短芑亂割春塘淥須留一半還詩翁
要看早晚鴛鴦浴

玉閨風書院偶題

原注西湖雙清樓之下

塔倚翠微椽筆勁湖吞碧落硯池寬天然調度誰消得
不是吟家出手難

歲事從他沸似糜小窻挂起只看詩不知那樹梅先謝

一片香飛入硯池

堤上歸

舟橫別港赴鷗約人立斜陽等燕歸心事一春拈不出
兩堤楊柳又綿飛

片雲節雨過橫塘襯斷蘋風作晚涼意快短檠推不照
柳邊聽月對啼螿

漁父詞

曉岸披風駕短篷平蕪煙浪幾重重鳴柳莫近荷花浦

鷗鷺早涼眠正濃

春興

涇雲全放兩峯青
灣柳絲金照眼
明短棹又隨鷗鷺去
笙歌少處結春盟

暮天即事

東寺鐘聯西寺鳴
前村樹末暝煙平
天涯倦翼歸無限
只有鷗飛自喚名

幽庭

幽庭鳥蹴梅花片
藪藪因風搏復散
貪看立到晝陰移
滿地蒼苔遮一半

朔風

小窻簾箔護重重
榭榭心蛻骨紅
昨夜朔風能凜冽
冰花亦結硯池中

晚步段橋

垂紅頂上快登臨
拍拍秋光滿袖襟
伎癢欲吟吟未穩
兩山鐘裏暮雲深

史衛卿

衛卿鄞人按宋史史彌鞏之孫蒙卿著書立言
一以朱熹爲法又史唐卿與兄蒙卿同登咸淳
元年進士則衛卿亦蒙卿兄弟行也

秋步述所見

趁晴收斷薪破曉循幽浦山寒樹欲風雲重天將雨兔
奔初種畦鷄拾獲殘畝葉深樵無蹤水落魚可數幽草
不須生千林秋已素

捧檄家山

閒居愧未能惟幙冷於冰家檄官無俸山吟客有僧池
荒眠驚石樹折飲猿藤寥落誰相問孤明雨夜燈

春晴

平明晴可愛眼界一湖春不見水中鷺惟多堤上人梅
花已白盡柳色正青新日暮無歌舞清幽屬野身

聽演師琴

禪悟却參琴山高水復深七絃手共語萬籟耳無音激

烈鬼神淚發揮天地心秋風時一曲懷古更傷今

漁父

白頭長是醉湖海不知年活業惟耕網全家祇住船荷
花同鷺宿楊柳得魚穿一笛吹明月朱門謾管絃

書里中所見

闌干十二纈簾遮獸棟鱗鱗鼎貴家莫道樓臺無地起
滿城秋色半槐花

所見

齊眉沉醉綺羅叢心事誰知付去鴻不惜千金留粉黛
更無一語怨東風

有所見

不著畫羅金鏤衣尋常打扮最相宜春風燕子樓前過
飄落梨花雪一枝

冷泉觀放水

溪流平地響晴雷石上生風卷雪來醉拍闌干衣袖濕
十分身在白雲堆

柳梢青

萼綠華身小桃花扇安石榴裙子野問歌周郎顧曲曾
惱夫君悠悠羈旅愁人似零落青天斷雲何處銷魂
初三夜月第四橋春